

Et nos Wenceslaus praepositus, Johannes decanus, Andreas Grawe cantor, Otto de Donyn, Nicolaus de Gubin archidiaconus Nisicensis, Waltherus de Kokericz archidiaconus Lusaciae, Martinus Apphilman, Nicolaus Czigeler, Johannes de Slinicz scolasticus et Sacharias Sluter praepositus Haynensis totumque capitulum ecclesiae Misnensis dictis collationi — et appropriationi nostrum unanimiter adhibuimus consensum et praesentibus adhibemus et in evidens testimonium nostri consensus sigillum maius nostri capituli praesentibus duximus appendendum.

Nach dem Orig. im Archiv des K. Procuratur-Rentamts zu Meissen mit den wohl erhaltenen Siegeln des Bischofs und des Capitels an Pergamentstreifen.

Hasche Magazin d. sächs. Gesch. I. S. 8. in kurzem Auszug.

No. 778. 1405. 6. März.

*Die Executoren des Testaments des vormal. Decans Nicolaus von Altenburg erklären, dass hinsichtlich der von diesem bei der Domkirche gestifteten vier Vicarien dem Willen des Stifters gemäss das Collaturrecht unter Beobachtung gewisser Vorschriften dem Rector der Schule auf dem Schlosse zustehen solle.*

Nos Johannes de Eckirspurg Nuenburgensis, Theodericus de Goch Budissinensis praepositi, Bertoldus de Gebeze et Jacobus de Sommerfelt vicarii perpetui Misnensis ecclesiarum, fideicommissarii testamentarii ac ultimae voluntatis executores venerabilis viri domini Nicolai de Aldinborg decani ecclesiae Misnensis felicitis recordationis in cunctorum notitiam deduci cupimus ac sincera et fida conscientia sub dei testimonio tenore praesentium publice testamur, quod de anno domini millesimo tricentesimo nonagesimo praefatus venerabilis dominus Nicolaus decanus Misnensis — corpore sanus et rationis compos ad honorem dei omnipotentis suaeque sanctae matris Mariae, omnium sanctorum ac totius curiae triumphantis, omni via forma et modo quibus melioribus potuit scivit et debuit, dotavit — et instauravit duo altaria pro quatuor vicariis perpetuis in latere sinistro ecclesiae Misnensis, ad huiusmodi quatuor vicarias quatuor personas tunc expresse nominando, ac ea liberaliter decenter et congrue calicibus libris paramentis et ornamentis requisitis pulchre decoravit futuris temporibus perpetuo duratura. Voluit insuper saepedictus dominus Nicolaus huiusce modi suae dotationi — et institutioni tales apponi formam modum conditionem et apposuit, quod deinceps perpetuo, quandocunque seu quocienscunque post ipsius obitum dictas vicarias seu earum aliquam vacare contingeret, extunc huiusmodi vicariae et earum quaelibet ad collationem praesentationem provisionem seu quamvis aliam dispositionem rectoris scolarium seu parvulorum in castro Misnensi pro tempore existentis spectare debebit seu debebunt. Qui quidem rector de consensu seniorum unius de capitulo Misnensi et alterius de vicariis ecclesiae eiusdem ad ipsam seu ipsas praesentare seu nominare habeat et habeat unum ex choralibus ecclesiae Misnensis praefatae idoneorem et ad presbyteratus ordinem promoveri magis habilem infra annum, dum tamen talis choralis sic praesentandus ante vacationem dictae vicariae, ad quam promoveri debeat, in huiusmodi officio choralium continue serviverit per annum integrum praecedentem. Sicque per omnia nobis, ut ultimae suae voluntatis